

四庫全書

集部

欽定四庫全書

跨鰲集卷七

宋 李新 撰

七言律詩

從辟瀘南道中曉征三首

人情世事今如此與作叢林眼目看  
髀肉未能銷犢鼻  
溪簟先與斲漁竿  
山銜落月金盤缺  
馬踏清霜玉珮寒  
一十九年間睡足欲將春夢入長安

矍鑠從戎恃骨彊  
舊衣褻博詎堪裝  
歲云暮矣家安在

月出皎兮山更長  
錐子禿毛窮有分  
碑顏沒字老何妨  
憑君為護痴兒女  
白首相期樂未央

貂裘紫帽日程程  
不得修途一紙平  
作雪曉天梅萼重  
壓塵小雨馬蹄輕  
隨身詩酒三勑敵  
入眼山川幾畫屏  
到日未須投我轄  
為燒蘭水濯繁纓

金匱道中

白雲包裹石城賒  
幾度親歸夢裏家  
春入小桃渾綺繡  
風回殘雪半塵沙  
唐賢碎瀉真珠粒  
鄭老微明白杏花

莫道窮邊無好語二公流落亦天涯

唐人留題道西巖泉詩本朝鄭文寶

有此語

銅鼓道中所見詩

麥秋塲圃面顏光蠶月絲車繭水黃豆飯餉田薈鼓住  
田塍收水婦翁忙明沙粲粲流泉慢綠竹猗猗苦笋香  
絕日不黔形自黑剩收斗粉傳何郎

尹公湖晚歸

箇中適意即吾廬可是秋來杖屨踈碧樹野煙連廣莫

暮池斜照落函虛天高鴈迥字明滅林杳笛寒聲有無  
喜見眉間知底事近鄉頻領北堂書

崇寧寺晚歸

遠意難隨燕燕歸故園春冷杏花稀虛名自古雙蝸角  
別業從來一釣磯已後無人能立雪他年知子可傳衣  
結廬薄有西山地更遣何人賦式微

落解西歸長安道中書所懷

年少將軍師羽林追奔翻為白頭吟不平豪憤三年氣

未死英雄萬里心故國山川知好在異鄉風物許重尋  
捷書不報渾閒事西出潼關無好音

臘月八日過關得家問殊不慰羈抱

### 再書

北風過河霜霧深凍入毛骨殊侵尋行人已苦長安道  
俗眼徒慙季子金風月秦樓愁處別鶯花蜀國病中吟  
莫嗤今日西歸計直為重安親老心

### 還三嵎先寄舍弟

客宦乘流同木偶入村隨俗自猴冠  
鵠飛原上正相應

豆泣釜中當少寬貂闕長憂狗尾續客來應借鳳毛看  
隴西衣鉢傳無盡熟看羣兒現宰官

寄舍弟二首

周三千界貧無敵垂四十年癡有名不怕貴人譏巧宦  
但教窮鬼笑難兄異鄉置酒能招客曉夢還家莫計程  
起寫新詩歸寄汝尚餘山月過牕明

冷漿庭巷四時秋巧拙時情不解謀遠客病容詩共瘦  
故鄉野水泪通流稍辜破鏡刀頭約盡失蒼蠅驥尾遊

他日江湖看生計鴨頭春浪一扁舟

貽家弟

但知四壁有連珠底事虛名更拙圖一斗病予猶百首  
十年笑爾拙三都霜風入頰休驚冷瓦垸無油願急呼  
世上舌根皆識味滿傾終是愛醍醐

徐安叟郊居

旋補疎籬短短遮郊居初似厭紛華鄰燈林腹幾螢小  
市路山胥一線斜衰草綴珠看曉露暮天飛墨數歸鴉



憐君近歲頭渾白兩泪臨風數祭拏

飲田家洞

洞依山皆古  
甕疑古冢也

日脚歸雲到坐隅凍禽唧唳樹扶疎望窮野麥綠不斷  
春入山梅香有餘恐是滕公千載室定無汲冢五車書  
人間可乏賢公子長缺歌成食有魚

山中秋意

擬握陂龍陟鳳臺厭聞遠鴈一聲哀霜乾殷葉背林去  
雨足黃雲歸谷來蕙幃可能留鶴宿草堂終待覓橙栽

有心培養山中桂不束輪囷作散材

劉子常約賞海棠

共愁明月照空杯莫逐時人溺死灰  
百日酒隨山客盡一年春逐海棠回  
門無轍迹草自長燕不世情貧肯來  
豆飯芋羹容易繼明朝花落不重開

問田尉公俞丐菊栽

冷官廳外病陰陰猶向西風擁鼻吟  
梅福儘藏雲外宅陶潛難老菊邊心  
許因秋社前頭雨分與東籬匝後金

待到重陽不開放却收樽酒去相尋

早梅

冥冥元崖宅有神冷香寒色漏天真感深暖日常為力  
傑出飛霜恐後春千里故人何以寄一枝幽意望誰親  
孤標若值芳華苑羞與妖紅碧樹隣

笋竹

崢嶸澤國與煙村飽見尖尖破土痕稍倩南風開鵲尾  
數煩夜雨送龍孫平生直節初揮籜後日清陰自庇根

殘月暮雲林外看森森矛戟萬軍屯

催李祖申賞蓮會

亭亭綠蓋密回塘縹緲青娥麗素粧  
雪覆千年巢曳尾風翻一曲舞霓裳  
小槽酒滴隨慳雨北海樽空類亢陽  
何事却妨彭澤醉幾時聊發次公狂

讀五代史

瓜割溝分幾戰場坎蛙穴蟻自侯王  
鐵槍妄謂千人敵溺器猶須七寶粧  
諸國豈能臣癩子九龍那得貯歸郎

堪悲五十年來事荼毒蒸民倍感傷

觀梁輔之曉閱

羽林出戍死忘家坐作行趨聽虎牙  
碧月初生弓入抱青蛇不動劒藏花  
風吹細柳旗陰轉日過寒谿陣腳斜  
回笑書生頭白早空將筆硯戰年華

凌雲

江滙濼流搖地軸路窮九頂切彤霄  
半犁好雨田香潤一簌殘花春寂寥  
土馬未驥愁敗草仙人得杖厭靈苗

與公莫論從前事  
楚些遊魂却可招

隔牆吹簫悲深有作

櫻心人事細如蓑  
渾有童心柰老何  
濕雪盡隨哀泪墮  
清簫不與哭聲和  
歸休最病良田少  
侵老終憐季子多  
無命無才猶有友  
但憐雄辯正懸河

問張興州覓酒

趨趨雲陣暮天低  
家在雲天西畔西  
雪片未容欺白髮  
貂裘不管污黃泥  
梅寒花晚休吹笛  
水瘦江空莫照犀

便有綈袍憐過客不如春釀亟封題

時雨試步寄員子春

與竹他年僅有衣敢愁天賦鮮岐嶷擎又不拜渾閑事  
踉蹌初行更效誰莫道漢家飛將種那知天上石麟兒  
若令新歲能翻舌先寄城東老員詩

詠晴

髯老新詩錦自裁雨綃烟帳玉屏開風摩團碧陰雲破  
簷倒斜紅晚景來蟻陣爭雄人未覺蛟雷強聒夜相陪

請君日醉兵厨酒千古英流安在哉

夜坐有感并簡與訥教授

青燈微火照寒更不信儒冠誤此生  
翻覺廣文官未冷始聞工部辟初行  
三年官况秋蕭瑟一枕時情夢戰爭  
思過故園尋故老旋持春酒看春耕

感事

銀濤千里引長吟玉軫他年有古音  
雲起不知山有助鳥啼爭奈竹無心  
畫蛇可笑須安足櫻市堪悲只見金



莫與浮雲較休戚北窗棊酒夜方深

正月晦書事

業無家釀致隣翁得有薪溫引頰紅准擬片言能悟主  
復求一飽定傷弓詩書奴婢晨占鵬鹽米妻兒夜送窮  
早晚郊原莫零涕動搖葵麥有春風

次韻子溫檢覆書事

博山灰冷一星寒散亂文書少讀殘夕飲清水消熱易  
夢為胡蝶過家難潘郎桃樹參差見沈老腰圍隱約寬

雅量故應容嬾拙功名同向鏡中看

上張幕

草色恩袍九品中文章高步屈英雄紅蓮綠水開新幕  
絳帳青衿走下風沛雨蒼龍功已奮翔雲丹鳳路潛通  
塵迷試問劉安訣就學僊源點化工

送胡運使

吳江水散水溶溶乍見山花襯眼紅六日春容歸漢苑  
千年桃樹倚天風預留黃閣朱衣吏令侍商丘白髮翁

元圃長生新釀熟一盃相屬月明中

請將龜壽卜椒觴遲日花塲幾刻長千里煖風春夢好  
半鈎新月繡衣光帝前動笏搖山嶽劔外行車映雪霜  
湖上柳青歸未得里人爭掃德星堂

當年姓字列仙曹醉逐西王折海桃萬策水平祥霧合  
峨眉嵐靜使星高泥封明日傳清詔台量何人薦佩刀  
老去功成解金印卧雲間笑一生勞

劉小漕

亂紅纈眼柳花飛煙抹  
霅溪秀一圍北背美人占夢去  
夕陽行客舞雩歸三吳父老傳冰節兩蜀江山識繡衣  
預草封章千百紙此身明日接天威

小槽軋玉逗瓊漿滿酌金花薦壽觴  
已有駿駒傳驥足莫辭持節下羊腸  
護詩何處無靈物報國新來有皂囊  
要覓甘棠尋舊愛莫雲千里蔽柔桑

五雲入夢翠浮空正在高陽巴里中  
八葉蓂含天露綠千年桃映海波紅  
流錢遠裔爭推晏青史何人獨比雄

白面門生指椿檜願肩華髮倚春風

江提倉生日二首

青鑠沈煙暝著沙芙蓉雲帳曉吞霞南金人物無雙士  
宮錦文章自一家賞過十分銀漢月採歸千歲海桃花  
蜀仙行動長生酒燕寢凝香碧霧斜

自應騎鶴下浮丘雅意人間事俊遊長久方壺新歲月  
飄飄江左舊風流崑椿骨老三千尺佳氣春回十五州  
溫詔趨歸行有日此封端是富民侯

贈翟提刑

雲麥供羞薦紫閣里閤初識子威孫千年海骨蟠桃實  
六日天眉畫桂痕飽見雪霜威劒閣行看松栢老夷門  
石麟下作人間客故有光芒掃夕昏

虬龍金壁走天閣下有高陵幾代孫賦擲玉聲那問價  
筆生春意自無痕尚書補去由高第廷尉除歸不署門  
元圃長生新釀熟一庭椿露滴黃昏

呈恩主戶部郎中

某惶恐再拜伏承恩主戶部郎中頃被綸言榮還省  
闈惟此求全之福悉皆稽古之功同出於儒何必曰  
利况損上益下無非天子之仁而富國彊兵殆成霸  
者之佐若講之有素即行之非艱姑省前人之誅求  
以察天下之息耗某久叨下客數戴餘光既城狐社  
鼠無所出其靈則芻狗犧牛或有補於用久留蘄術  
而夫子纔一解顏將行贈言故每篇凡三致意上浼  
師席退積驚懷伏惟采覽幸甚幸甚

玉翰飛出漢江東，蜀道三年興已窮。  
城郭宛然人未老，笑談終日座生風。  
汴雲歸去觚稜近，珠佩收來漢月空。  
衰草寒砧更惆悵，亂鴉無數失征鴻。

何必庭臯木葉黃，秋風無處不淒涼。  
莫言短髮遊郎署，且伴閒雲入故鄉。  
漢殿早瞻新日月，劔屏猶帶舊冰霜。  
一飛碧落三千里，還向瑤池浴鳳凰。

翠輶行色倦秋陰，且聽新來澤畔吟。  
雲起已知山有助，鳥啼爭柰竹無心。  
斗光指客求佳氣，桐尾收煙得好音。



他日欲通千里信西風吹鴈亦浮沉

壽王提舉二首

新歲祥分葆羽車老君抱送浹雲霞夏正更籥稱觴近  
蜀道占星故國賒尚憶前時司玉牒試簪明日剪金花

風俗人日士女以  
剪金花勝相遺

這回飛燕知恩舊肯到尋常百姓家

本來卿伯籍神霄時與羣仙立舜朝邂逅吹笙雲鶴並  
等閒飛鳥海天遙在公載燕方稱壽厥日惟人只隔宵  
黃閣年年春酒熟商山皓首却煩招

留別寄元裕

耳熟英聲相見晚  
解顏一笑盡天真  
有魚待客不妨醉  
無玉藏花初厭貧  
疎竹已留清夜月  
好風先斷過江塵  
幽居莫雜庭前草  
枕簟他時有故人

過何權道幽居不遇

水部風流小隱居  
別來眼法定何如  
霧中不見空峒子  
世外空傳珞珣書  
今歲紫荊簪未得  
後溪黃鮓食無餘  
素冠如遇文園宅  
為我慇懃借子虛

過卧龍先生幽居

手調鼎劑作清涼不秘千金肘後方  
閒數嶺雲松自翠卧聽梅雨藥初香

公辨四山皆種藥

三山夢斷黃梁熟一逕莓

封白日長我欲從公結幽隱不干泉石解膏肓

鹽井

鑿到金輪水際通綆長牛領血垂紅  
作梅後日看調鼎擬雪前人欲散空波  
素儘熬青瀚海虎形不待鹽南風  
輸官已足金籛滿坐咲騎驢困五窮

欽定四庫全書

跨鰲集卷八

宋 李新 撰

七言律詩

次韻張永錫待制留題通泉聚古堂

及時瓜李任浮沉  
畏景遊雲苦太侵  
環縣江流元渺渺  
參天喬木自森森  
七言妙語騰光焰  
八法新題冠古今  
聞道宵征最清處  
風翻旌旆月流襟

送劉金部三首

綺鸞銜詔碧霜林按部歸來聽好音卧看蜀雲山歷歷  
行遊蘭省夜沉沉柔桑平帶三川綠蒼桂同鋪百里陰  
天子虛懷求妙道肯令公負一生心

煙老谿花幾墮紅高陽閭巷接吳宮禁墻鐘斷翻新雨  
劍嶺雲寒想去鴻汴水波聲天地遠上林春色古今同  
行觀勲策知多少河水安流敵帳空

七里亭中酒滿樽野梅疎淡月黃昏可憐白屋西南士  
占得青春雨露恩千載誓言飛將種一生歸報叅龍孫

年來佩劍人相笑寧立孤風畫掩門

送元景叅辟廡

老年鶴瘠玉蒼蒼送汝難收淚兩行短褐尚存慈母線  
義居初割紫蜂房塤簾元自音聲協鴻鴈而今羽翼長  
別業未嘗收菽粟一家溫飽待文章

送張君實赴制舉

不用名矜自半千高才十二許爭先乘輶遠道三千里  
下筆談王數百篇忠胆自能傾白日決科時似選青錢

山城送別無他祝早屬登瀛第一仙

送知府王大夫

一笑行拋漢水湄野梅殘雪照旌旗啼鶯未與春先去

歸騎猶呼雨自隨

往歲久旱公入境禱於鷄翁神約十日而雨下車數日而雨歲以有年

干祿且優垂老姊

宋庾彥達為益州携姊之鎮西土稱焉今公亦侍郡君速來

窮經

自有起家兒後人覓得松巖石先刻寒生送別詩

平生和氣滿襟春往事飛鳧自在身風伯已驅天上霧

鳳書仍起漢濱人一鞭草色吟青嶂幾刻花陰夢紫宸

從此唐衢哀世泪為公無復更霑巾

送權守解印趨闕

欲挽行人入醉鄉殘春岐路日偏長  
花容貼雨蜂兒靜  
麥浪翻風燕子涼  
心計已高劉晏幕恩波終戴召公棠  
去思正伴東溪水聽得潺潺更斷腸

喜王子溫教子

諸郎春鬢綠  
鬢鬢闌苑幽人為指南  
大率已經平子目  
未應更與阿戎談  
夜螢撲案光分燭  
秋水接青色染藍



的見松牕珠樹客碧潯龍領問誰探

喜孫伯遠王周彥遠訪

晚聞佳客過煙城拋檄歸來掃榻塵連騎莫憂原叔病  
食鮭誰謂庾郎貧定因殘雪尋穿履聊覓江梅遺故人  
重與論文在何日自應乘興一相親

次韻蘇必強見寄

不知暗室鬼揶揄曾入魚鳧伴蠹書分背鴈音清漢遠  
動簾風竹故人踈小桃煙老三年樹白馬原空百兩車

消去汨流水筋若待憑濁酒一樽餘

再和

憶訪東坡舊隱居飄飄兒姪幾家書閉門草牘人誰識  
抱膝吟詩客自踈枳棘那棲雲表翼壺漿爭勞雪中車  
窮愁定笑江千尉瘦骨空長六尺餘

燕走馬少卿口號

冠蓋相逢好駐鞍况知北陸已迎寒詔歸未覺堯天遠  
星應休辭蜀道難款聽話言敦夙契更催歌舞奉清歡

慇懃莫惜通宵醉歸約松梢月影殘

和李少卿見貽之什

碧江青嶂冷飈光水鏡冰壺照座涼  
舜日有時琴自動  
鱸魚何處鱸飛香竹開細尾攬先出  
雀引新雛底事忙  
老去得為裴度客舊來頻過鄭公鄉

和任普州冬至日作

詩成椽筆一何工元有英聲妙洛中  
已是少師扶日手  
更看公子釣鼉風書雲寶笈開新瑞  
脫木香山墮晚紅

經濟通才猶補外與騎星鶴問圓穹

答李丞用其韻

四時秋色可春回古錦囊空信短才紙尾依隨丞不負  
天西窮絕客何來碩雲垂翼山碣暗喬麥饒花雪嶺開  
投老播流情味惡孤城移作望鄉臺

年少文聲許過秦仕塗便失自由身初思鱸膾歸興  
不見仙槎却問津道德千言遙胄事文章萬丈當家春  
魚從丙穴如收得更與張華細辨鱗

謝楊秀才惠文編

漆園夢過感天涯坐客元非借齒牙  
小杜阿房終是好沈郎雌霓不容差  
豈羞東郭先生履行謝關西孔子家  
五斗折腰聞道晚未窮摘藻勝春花

寄鄭明舉香

手勺沉實伴蘭蓀著壁青煙未有痕  
掩鼻新來憎甲俗佛衣無處避膏昏  
不成亂臭須持棗却恐偷生誤返寬  
寄語山間鄭夫子年來懸麝厭當門

代張元老上許漕

人在坤維久覆醯故教使節出天西後來武庫成清職  
平日家風歸品題欲見流錢憑馬策稍聞刮膜待金篦  
鵠原曾冠仙鰲頂應覺人間太華低

文章擣錦已堆胸直指威聲俯仰中蜀部星高千幃靜  
平輿龍起一淵空閱人妙學函明鏡飛鏑清心本素風  
垂手污塗收醬瓿為憐識字老揚雄

青石阻雨

茅屋陰多夢化蛾  
西山雲重雨流禾  
未聞回也改其樂  
解道虞兮柰若何  
身與前村孤堠遠  
汨隨流水一溪多  
文章生世元無力  
半歲邊城伴枕戈

隱居

伯鸞翠構元臨市  
靖節幽居最近朝  
事過自餘安水石  
客忙何至走漁樵  
價高少室仍休問  
徑捷終南更易招  
嶺上有雲如可寄  
肯將台鼎換簞瓢

龍水板橋院

送臘溫濃萬井同筠輿猶走萬山中  
曝成枯菜依簷白  
染出春衣映壁紅  
掩豆豚肩仍歲儉  
傳觴釀甕幾家空  
不知新歲招陶否  
待向江干送五窮

普通院

而今漫叟正聾牙  
無復新詩賴碧紗  
行馭乘風方少快  
歸期破鏡儘從差  
月頭漸黑山雲區  
雨脚更斜江路义  
寒士規模新宰相  
這回行處亦堤沙

東津淨行院



老於春事無交涉退作淘金榻底沙  
蠶到兩眠方健葉柳成三倒却飛花  
小桃漲浪堤痕潤綠麥翻風燕羽斜  
不得毫釐稽古力起人松竹問誰家

留題華嚴壁

直向忙中得少休一生緣分屬清幽  
好山不許尋常見野水從教自在流  
種竹養茶雙碧重有僧無客四時秋  
當初著眼如低下不識光芒射斗牛

書梁山楊氏亭壁

騎馬黃塵本不知作新軒榭發幽奇  
纈雲山色屏千曲  
繡地花光春四時  
滌器詎須能賦客  
力書自有起家兒  
心肝嘔出無空處  
一宿相酬不廢詩

遊寂照院

萬箇當時几席深  
想搖寒碧邃陰陰  
青山甚富猶藏石  
焦尾曾收更愛琴  
籬腳稻花香遶夢  
雲梢桂樹色分金  
他年寂子如更變  
佛法從來不離心

寂照院

道人築室不草草燕壘蜂房斷有才細細轉泉縈屋去  
踈踈栽竹放山來琴無殺意客何憚士怕移文車自回  
清夜不眠留遲月譟天耘鼓急如雷

遊雍熙寺

隨身刀筆快投空黃鵠憑君放出籠野馬已飛樽俎外  
白雲端在笑譚中太平老將辜三畧遲鈍參軍得五窮  
近日半聾并半啞莫將佛法問龐公

遊化城寺

山色從來不世情  
水光分與萬家清  
連雲種竹官租薄  
入谷收茶野屨輕  
小雨結緣留俗客  
好風吹夢過江城  
這回勸飲休辭醉  
後日西山第幾程

遊雲門山寺

宰官得度却無能  
直斷曹溪一點燈  
脫體化為牛馬走  
隻身歸是水雲僧  
晚煙破竈迷村落  
桴鼓譁空走稻塍  
弄水看山元未足  
半規初月上觚稜

再遊雲門山寺

筠馬梯空正肉飛山幽鳴鳥自聲微地趨玉嶂新朝眼  
巖織天花欲墜衣雲木綢繆青羽葆實泉零落小珠璣  
重來且與看華表祇恐無人識令威

暮還官寺

新雨初平萬頃波移家歸去舊煙蘿三年鄰里定相笑  
八斗才名豈是多地近聊為分袂別酒醺閒作扣舷歌  
晚投方丈雖岑寂客喜談玄自見過

宿青城板橋寺

村落蕭蕭煙雨收，鷄衣寒豎挽歸牛。  
平生脚力未到處，當路貴人安肯遊。  
蹶失馬蹄無限恐，荒涼僧墅不勝愁。  
北窻季弟還知否，一夜秋聲已白頭。

春日自錦封歸寧過寶巖寺

曲檻橫橋盡落梅，春風草木自承恩。  
一身初逐斷鴻去，百里猶餘殘燒痕。  
回首錦谿花柳市，那如山寺水雲村。  
鳴騶喜色知多少，白髮雙親笑倚門。

過江遊靈泉寺

徐卿才力已無雙  
幾日飛書約渡江  
岸石有紋欺錦繡  
野蘆無數認旌幢  
酒投渤海難招偶  
詩築長城欲受降  
玉麈清談更通昔  
定容寒月半侵窗

遊法濟寺

俯檻微歌猛虎行  
暮樓鐘鐵又錚錚  
好將石劒磨三伏  
自有巴猿報五更  
種竹養茶家計薄  
依山臨水國風清  
張王左道曹劉戰  
祇此祇園不識兵

暮鐘曉磬雜啼鴉  
尤覺幽棲與市賒  
風力吹回千嶂雨

柳陰遮斷一谿花  
蒼皮樹癭何妨醜  
橫水橋虹不厭斜  
夜半春雷亂車軋  
不須鳴鼓助驚茶

大佛寺留題

綠篠寒松小翠微  
魚聲寂寂鼓聲稀  
山頭遠見龜屏出  
海嶠誰遷石笋歸  
欲得鬼神添嶺檜  
却愁風雨斷天衣  
醵錢欲作翬飛觀  
一鉢無妨厭薺薇

感貧女

天然素質勝鉛華  
一握青絲過老鴟  
信手畫眉成柳葉



移盆貯水當菱花長憂夜雪侵肌骨不識春風到齒牙  
媒妁近來趨勢利終年元未適良家

送姚深之

急向空花認此身莫因宦學苦傷貧遲遲海菓未成子  
忽忽荷衣看作塵玉有細疵那覺病谷俞五切無雌虎自  
生春還家少鼓男兒氣麈尾驅牛笑煞人

鐵山祠成二首

千嶺分崗一嶺西一峯驤首萬峯低仰看木杪樓臺小

猶聽雲端甲馬嘶暮角回風吹落葉曉暎籠樹轉寒霓  
要知血食無窮處陰壑藏雷水遶谿

縹緲團空翠一圍叢神社鼓日相依陰天幾處看雲陣  
夜雪何時化鐵衣鳥鼠莫棲新藥殿風塵從染舊龍旗  
門前汗馬蹄翻玉猶似當年力戰歸

賦鄧士載祠

高鳥無餘弓自除由來名盛不堪居易揮道左降王縛  
難弭朝端謗篋書更欲平吳功未就可憐出蜀智何疎

鳳臺山月知冤魄  
夜夜停光照故墟

磁釣翁

磁釣翁寧傍釣磯  
且當兀坐小盆池  
模形陶氏不須恠  
入手蒼鯨未可知  
風雨不渝端此志  
江湖歸去定何時  
閒惟秋水磻谿客  
船入蘆花笛卧吹

無心不自任公子  
手引龍魚敵萬釣  
瓦解弟兄驚墜甌  
塊居煙雨勝流人  
非關釣譽雖攘臂  
未欲垂言却卷綸  
更與甄陶一坏土  
鈴齋相伴豈無因

跨黿集卷八考證

第十頁前五行 曲檻橫橋盡落梅梅字出韻因無別  
本可校姑仍其舊



欽定四庫全書

跨鰲集卷九

宋 李新 撰

七言律詩

曉起

曉禽聒起坐薪床  
梳裏斑絲短短蒼  
甕面撥來蛆子白  
花心飛出蝶鬚黃  
遊蜂聲啜晨衙退  
細篆香縈碧線長  
已約隣家來小飲  
是中容得次公狂

過馮十夜飲見燭花有作

世事不知渾井底巴音猶在已天涯  
攻愁有酒盃吹浪報喜非春燭  
自花賈誼長才空賦鵬東陵餘地  
欲栽瓜詔書許逐陽和至寧乞  
西山度歲華

下鹿頭坂偶成

朝來喜下鹿頭關誰謂追奔匹馬還  
意氣已無豪憤態夢魂猶在嶮崎間  
白雲親老愁歸計明月知音笑病顏  
天子已籌西夏策將軍未易許安閒

九日林守同飲因思昔年朱侍講跨鶴之集

常記秋登跨鶴臺  
儒先杖履共追陪  
如公已到蓬萊上  
過我又分符竹來  
往事已成千古話  
遺風空負十分盃  
依依正爾重陽日  
襟抱何時得好開

次韻任使君詠梅二首

堂上高人解賞音  
孤根未放草來侵  
不妨此後頒春力  
却得從前愛日心  
摸臘曾看黃淡淡  
試粧猶恐暈深深  
而今驛使行如織  
聽取新來塞上吟

平時化力與扶持  
莫道春工未肯私  
暗有浮香通淡月



瘦無寒葉到空枝腹中太白何多錦句下韋郎自不知

前人謂韋蘇州詩絕無脂膩

陰谷未開公見否葭灰暖律更煩吹

次韻解君接感懷

能向風塵識馬周新豐飲盡得相留後車慣載胡王縛  
衰草頻驚戰馬秋靈武須公來闢土桃林他日待歸牛  
承平衛霍知虛老剩著新篇繼日休

太平事業按商周麟閣儀形待子留壯士長歌三箭定  
鵝夷歸老五湖秋生涯底事空藏劍英氣平時已食牛

歌扇舞衫今太寂暮雲佳句敵湯休

天池讀書寄元明

絺葛皮冠蕭隱居溪山隨我亦名愚調和得所弟乳酪  
麗澤不均兄瓠壺曉雨莫償雙淚落夜燈常照一心孤  
阿松活計今多少試問山前幾木奴

甲子春趨太學過華山賦仙掌峰

一掌巍然占碧巔分明高舉欲擎天升沉盡待招攜力  
指點都歸造化權好與清霄扶日月莫留寒嶂弄雲烟

不知千古興亡事屈指而今是幾年

北牕偶成呈遺逸

北牕冰研碎魚鱗未伏徐翁筆有神止酒詩成三逕曉  
買山錢就一家春飢飈如市莫欺客窮鬼作朋終笑人  
未敢移文謝逋客且看除道過蒲輪

觀前古美人圖

壁月塵昏瓊樹秋無從百媚一回眸茶蘼香度梅粧冷  
鸚鵡聲低玉笛幽唾背但能知禍水逢春且莫上迷樓

歸來安守無鹽女不寵無驚共白頭

所見

鬢絲蕭散忙蠶月笑靨勻停喜麥秋落照已斜猶曝繭  
故人未渡莫橫舟屋歌雲影長年見枕壓谿聲半夜流  
料得此生無好夢却勝終日有閒愁

蓬溪道中所見

筠輿百曲篆谿灣潤麥催花小雨慳  
駸駸弄聲知境靜  
鞦韆垂影見春閒  
一生瘦骨幾隨鶴萬事無心却愛山

為濯小槽收重碧掃除東閣待翁還

詩情冷落接垆荒鳥語鈎輈伴日長  
山館花煩蜂蜜重溪橋雨潤燕泥香  
鄂君被暖春回帳犬子琴閒月到床  
醉裏要歸何處是無功猶解記吾鄉

西崗重九

周奉議座中  
賦得黃字韻

天涯一角見重陽蕭洒西風客斷腸  
麻紵未更今日白菊花還似去年黃  
陶潛把酒重開解宋玉臨墻乍感傷  
借問龍山歌會者座中誰認綠衣郎

送馮夢授試禮部

殷樹葱籠繡曉暎馬蹄東去亂水痕世收徵詔藏商谷  
家有新功刻禹門太白夜郎初辱顧馮唐漢殿欲承恩  
南山報喜通啼鳥明日榮歸鶴有孫

年來初識小馮君鞭勒何妨馭晏嬰三世卿雲涪水秀  
一門巢許蜀山清飄零殊幸逢公子邂逅相看不世情  
入手華標歸早晚願扶藜杖出山迎

送錢使者三首

不須回首漢皋亭白髮愁催却易生好夢先依鸞仗去  
此身聊伴劍雲行隨轉芳草真無賴送客黃鸝似有情  
故國要知何處是望湖樓下錦衣城

玉翰飛過漢江東蜀道三年興已窮明日登山臨水去  
故園啼鳥落花空聞今自草延英奏合下人推長者風  
燕麥兔葵初亂眼欲將修翼問歸鴻

翠羽頒書出紫皇殘春岐路日初長花容帖雨蜂兒靜  
麥浪翻風燕子涼八葉世家方越古二王振鷺已成行

行行才業知多少千里吳天水滿塘

簡任安中

邊公春夢書悠揚借有新嘲不汝妨杖屨未經桃李樹  
棹歌空憶水雲鄉子規啼去花應好燕子歸來日漸長  
稍學淵明惜名酒掃除齋閣待君嘗

神泉道中寄李道明

野鳥啼春稍覺空馬蹄何故萬山中樹連土雨微茫綠  
花入麥秋零亂紅北阮不知貧氣味謫仙元有舊家風



正須洗出青青目看取新來塞上翁

題普州東溪

參軍龍鍾大可笑清聖寂寞何所中往事幾隨山影轉  
此生元與浪花同金鑾視草人安在曲水流觴迹已空

溪有翰林  
灘鑿流盃

早晚北風吹得去欲參雲漢問鴻濛

送許東傳

碧霄已覺少微明帝所行看召老成好夢謾依淮水去  
秋風空見雪山輕衣冠幾許披雲霧父老于今識弟兄

黃閣他年開月旦想公終不解忘情

轉蓬孤鶴昔流人千里樓西客此身江海相忘魚自樂  
雪霜已過樹回春長安索米非方朔谷口耕雲待子真  
收拾從來憂國泪太平無復事沾巾

送元播

恩光渺渺似涪波濕雪欺梅柰別何歛盡寒威離兩蜀  
播將春色入三河輕裝舊橐黃金少故國新豐美酒多  
不負一生經濟術他年元鼎解調和

送李才儒

未覺鄉關歲月深，轉山旗影緩愔愔。  
遠人願見喬卿服，支邑曾隨子賤琴。  
攄散幽陰千古恨，發明忠義一生心。  
冰清不屈二天庇，雨化寧逢三日霖。

理官食木遙遙胄，一姓而今萬頃麻。  
渾道婁公能耐事，惟餘老子未通家。  
行經閭闔雲生足，歸到方壺雪弄花。  
休丐一麾江海去，且扶堯日度清華。

送邵馬勾二首

飄零愁殺病叅軍  
點點黃泥漬帽裙  
藏火解銷秦地鐵  
騎驢重數華山雲  
兒號惟有韓司業  
官冷誰憐鄭廣文  
身世泡漚渾道得  
請君一笑北邙墳

芳菊江蓠泣冷煙  
秋風秋雨老行鞭  
嘗依故國橫經笥  
猶憶南堂乞火仙  
月瘴稍昏斜谷路  
漁竿空倚北谿船  
有錢他日鄰粉社  
待覓嵩陰一頃田

送周晉叔

妙齡壁水興何窮  
投筆幡然定遠功  
寶仗初依金碧輅

鐵鞭閒靜海連風  
萱堂歸去椒觴近  
珠珮收來漢月空  
明日紫騮嘶曉雪  
故人端在亂山中

送邵子文

柳映平橋路帶沙  
行人歸思浩無涯  
臨岐蕭寺瑣蒼竹  
催客杜鵑啼落花  
千里亂山雲自暗  
一谿流水日空斜  
伊予最是多情者  
為拂前題置碧紗

送劉漢特兼簡邵子文

綠篠欹墻葉葉聲  
夜涼風細露華清  
飄零何幸逢公子

邂逅相看不世情擬向伯倫求酒頌不知東野解詩鳴  
三峯峯下文章伯應憶當年阮步兵

婦嘲

歲晚隨君色色無嫁時我自有瓊琚借令值客休捫蝨  
幸未能詩勿跨驢寧與漁樵安舊隱莫言封禪著新書  
夜寒憎見牛衣泣起執晨炊觸釜魚

藥水巖

巖前曾考腐斤樵洞裏仙人不可招龍睡有時慳小雨

春長無地覓靈苗與攻中散平時懶更沃文園異日消  
調鼎和羹須玉液預私清泚注輕瓢

陋夷

療飢寧採故丘薇真陋羗夷詎可依火日四山猶墮雪  
鬼林六月不單衣藥殘花萼歸方冊絨老金絲觸禍機  
倒指瓜期今已足早修雲翼背西飛

宋隱君挽詞

貴口輕翾意自融鳴柯芥羽逐春風猗歟宋氏青雲器

師我緇川白髮翁  
沃壤可彰千載義  
舊牕空負一生功  
新阡無用栽凡木  
待看奇才長碧桐

蒲靜安挽詞

舞鸞雛鵲已先飛  
曾倚西山泣晚暉  
老去兒孫雄北阮  
古來門戶占烏衣  
蕭蕭華髮猶供祭  
歷歷清談又解圍  
洞口仙人招白鶴  
玉翰何日與雲歸

陳丈挽詩

七十飄生世所稀  
初休利鎖便忘機  
清朝有子方干祿



白屋無塵自掩扉高論競推猗頓富夢魂翻逐楚莊飛  
素車白馬春郊道鸞鳳相呼舊穴歸

挽崇寧王雅橋楊公善宣教詞

何必他楊重蜀苗關西華胄固遙遙大成殿老身先倡  
貝葉書成血未消金馬祥光開舊地玉虹寒影臥新橋  
偉翁有子全忠孝行看珪璋薦盛朝

挽江源張寬儒承事詞

善頌堂下幾生芻犢犴墓西千輛車邑人清淚墮不已

食客行歌悲有餘  
家法新增小戴禮  
生涯半用計  
然書  
平生陰德知多少  
勢等岷峨報亦徐

挽張承事詞

長吟清嘯蜀江干  
一尺霜根向物寒  
吾道祇知尊孔子  
奇書何用學劉安  
玄談客去虛方丈  
碧落雛歸迅羽翰  
曉月流星無處覓  
斷雲空著子陵灘

東平縣君挽詞

玉翰飛過碧江東  
露泣三荆向曉風  
貝葉塵生昏舊綠

蘋花煙老墮疎紅鳥沉孤影桓山外蟲返青冥壁水空  
德範豈惟墳上土傳家清訓是無窮

挽史太君詞

吳楚雲帆萬里風元歌來哭舊江東梁城皓鶴千年恨  
蜀壘青松一夢空溢水波聲天地遠灞陵山色古今同  
碑陰且刻東坡語勲烈將收國史中

壽安夫人挽詞

閨門秀色擢冰清行佩蘭苔八十春傳道先生為擇配

起家著作不憂貧金花貼子分雙軸子舍登瀛有幾人  
千仞龍華松竹域婦姑雖死亦相親

榮德夫人挽詞

舊池龜去必巢蓮龍隧愁看錦水邊肯與玉人俱遠宦  
自憐王母已高年松牕弦誦親曹叔秋月家風起鄭玄  
仙客立朝何所恨自緣退有可耕田

陰伯庸悼詞

妙年詞墨一何工漢苑家聲戚里雄居避飛塵門似水

客投漫刺袂生風香消絳帳魚難蠹月照銀杯酒不空  
陽報豈須窮寶篋鳳雛行者赤霞中

病中二首

虛名畢竟耳邊風夢入巢由事一空貧窶未能防鬼笑  
悲哀端更遇途窮胡沙十月驚弦鴈水國三年食蓼蟲  
得似此身無好味病餘明日即衰翁

林間風氣香無蹤欲遣誰人慰病慵丐友何顏堪著論  
祭拏無泪可沾胸不知心逐搖搖旆反為官憐楚楚松

最是少眠多念處  
曉鴟殘月五更鐘





欽定四庫全書

集部

跨黿集卷

十至  
十二

詳校官庶吉士臣陳若霖

侍讀臣孫球覆勘

膳錄監生臣單可立

膳錄監生臣章松雲



欽定四庫全書

跨黿集卷十

宋 李新 撰

五言絕句

月下

俗意未能免高情誰與論  
惟憐今夜月依舊照衡門

和許表民前江驛四題

花盡蜂腰瘦風低燕脇涼  
雲衣迷遠岫烟幕蔽柔桑  
吹來槐莢細過去杜鵑悲  
慣客久無念送春閒有詩

筍成森碧玉麥熟歛黃雲村酒不堪酌一盃能易醺  
柳橋通窈窕客轡按玲瓏蒲劍一谿綠酒花雙頰紅

遊南水陸院

蜀國山河在梁原草樹深暮雲千里色無處不傷心  
鳴蛙千鼓吹脩竹萬琅玕日下欲歸去谿光生晚寒

宿西谷院六首

線繞參差路雲封咫尺山寺僧初怪客三日竊優閒  
野水無窮意幽花不斷香殘春孤客恨惟與漢天長

山翠圍裘領，谿聲響佩環。終年無俗客，不用掩松關。  
野鳥休驚起，浮雲莫厭看。松蘿秋後碧，巖谷暑中寒。  
石髓門前水，松風谷外鐘。遲遲半輪月，未忍出雙峯。  
稍治尋山屐，初裁半隱衣。聲聲杜鵑語，猶勸不如歸。

六言絕句

送菜徐秀才

吏部齏鹽滿腹，先生苜蓿盈盤。珍重尋常癡客，不作膏粱眼看。

食齋已甘予口送茶聊苦君腸見說舐碓無分借令轅  
釜何妨

黃精未有積雪晚菰猶帶寒烟雖辜主父九鼎不減何  
郎萬錢

增添庾郎方丈掇拾儀休棄遺但令門人學圃不妨夫  
子下帷

七言絕句

秋日登樓

濃掃清陰一壑秋  
眼光新困仲宣樓  
等閒欲作東山醉  
却為蒼生不破愁

洗遍山光暮雨收  
落霞孤鶩點清秋  
蜀天地暖知無雁  
不怕愁聲穩上樓

送呂興元

身離梁苑初蠶月  
腳踏秦雲已麥秋  
要見使君恩惠久  
滔滔長伴漢江流

梯天懸閣馬行空  
旌旆悠悠照谷紅  
靈鳳陰寒春過晚

萬山猶有牡丹風

水壺舊映藍溪玉壁乘曾依白帝城明日武林山下路  
過橋唯有杜鵑聲

太平天子事東封洛苑回鑾訪侍中自古相門終出相  
試持圭璧近重瞳

霧豹平時豈一班定將清對領威顏東南民病知多少  
莫把皇華誤出關

行入雲衢路未通主人明日復觀風幾聲寒鵲江村暮

煙雨瀟瀟失去鴻

目擊

懸知九折自成醫  
瘦骨綿綿尚勝肥  
引睡文書滿床榻  
病兒猶枕樂天詩

送程公明

莫倚行臺怯酒醺  
一盃父老送慇懃  
白雲嶺上雖無數  
未敢持來玷使君

漸橫碧落快秋風  
回首雲山幾萬重  
明夕長亭新夢破

亂鴉殘月五更鐘

解頤詩訓憶趨庭四十專城髮尚青屈指世間無此樂  
路行爭看老人星

不羈風韻有蕭郎白傅新詩已滿筐煙薄露寒雖寫瘦  
自應清節也凌霜

金闔銅樞喚仗開越班侍從薦高才一鞭野色身何處  
芸閣清風待客來

玉鐙驚驕趁早朝天香成陣暗蟬貂平雲無復偷閒到



溪閣煙深鎖市橋

無限秋容入跨鰲使君山色兩相高  
半生笑盡迎逢輩俯仰隨人效桔槔

自憐瘦骨飲冰寒惆悵相逢下眼看  
閒想顯人應笑我道傍初試折腰官

青草山頭一萬家那分下澤有龍蛇  
不知明日都門客肯與東風緩頰牙

登山臨水送將歸身蔭甘棠手挽衣  
不似塞垣來泣別

三才圖會卷之十一  
傍轅猶怯使君威

送菜徐秀才

錦里園官供菜把草堂詩客重傷貧  
一盃野老誇芹美  
笑煞從來食肉人

馮秀才宅晚飲

雪絲霧幕晚陰濃  
還隔家山幾許重  
引睡憑君一樽酒  
欲將歸夢過鰲峯

西齋睡起

避雨燕兒晴又去  
趁衙蜂子晚還歸  
西軒一枕無人喚  
零落桃花繞夢飛

綠雲山麥層層綠  
紅雨谿桃處處殘  
老去見花如隔霧  
可堪不得霧中看

題北巖定林院方丈  
戊戌正月二十四日攜諸  
童稚來遊藉草而飲  
既醉書方丈小垣以去

松嶺晴煙明冉冉  
石橋融水暖涓涓  
老翁百事無心計  
祇有尋春似去年

東風桃李年年在化國光陰日日長試數開元到今夕  
幾經繁盛幾淒涼

桃花

年少劉郎初見時似笑東風三兩枝劉郎白髮欲再見  
前溪落盡迷佳期

正月末再來渡石橋見桃花盛開有感而賦

小桃弄色仍千本流水飄香又一年何必人如花灼灼  
但教情似水涓涓

梨花

太真欲泣君王羞一枝帶雨春梢頭年來樂府不栽種  
淡月青煙無處求

種蓮

分得清潯白玉芽旋抽綠柄信歌斜當時蕩漿耶谿女  
可是無情笑隔花

題純益壁記

斜雨逆風昏舊字是中能有幾人知未言溫室栽何木

先向忠州教竹枝

晚飲馮秀才宅

遙天孤雁泣離羣  
疊疊秋山更莫雲  
孤雁足添遷客恨  
相逢賴有小馮君

雪樹

巴山雪樹慘黃雲  
斂甲參差百萬軍  
不用寒光苦凌鑠  
若論官況冷於君

登天台

江雲不與山雲接  
土雨還因夜雨消  
獨上天台肆遐矚  
故鄉只隔一山遙

送劉祠部

漢苑何人侍翠輿  
鏘鏘環珮雜璆璣  
劉郎帶笑大誇客  
此是予家千里駒

玉腕騰雲黑霧開  
穆王八駿如駑駘  
逸氣飄飄長不已  
重聞汗血下天來

芙蓉城下多埃土  
却逐劉郎上天去  
峨眉一顧一回頭

明月東風在何處

立化童子

冷飯殘羹屬與誰  
其他消息問誰知  
竿頭一步饒師進  
不是當年去得遲

泛松溪

浪激氷花漱大堤  
山回雲影照寒溪  
一生懷抱無人見  
又躍蘆梢困馬蹄

過賈浪仙崔秀才故祠



浪仙句法得全功  
崔子區區立下風  
客塚相望歸不得  
青衫憔悴兩君同

倦飛好鳥下荒陂  
不見騎驢主簿歸  
林杳笛寒聲愈細  
為尋牛背一蓑衣

題貴閒軒

塵埋鬼笑有無閒  
多少真癡不貴閒  
白日舒長問誰老  
幾將春夢到三山

除草

綠茵春昨暖無加醉眼蒙茸纈萬花聞道芟夷殊不惡  
直須著意認蘭芽

還書室

淨室歸來自冷水矜持筆硯更非能假令一笑人間事  
大似當年碧眼僧

綠陰亭

茂林侵路能藏寺喬木參天却見樓山石因循雲外老  
江聲掀撲屋梢流

題望喜驛黃夷仲詩後

杜宇啼愁連谷暗嘉陵流恨接天長  
路人要見行人喜

看取眉間一點黃

黃詩云眉間見喜氣行人有歸期

春深過黃亭

碧流未到小池開  
半畝篴簾陰紫苔  
遲日暖風留不得  
亂紅飛去燕銜來

秀野亭二首

眼纈蒙茸真草木  
春歸廣漠自文章  
妙回玉指香羅密

祇許楊花傍小床

溪光山色淺無痕  
荒樹平蕪見幾村  
祇恐重來春自去  
梨花吹盡月黃昏

題興化小閣

田畧紋楸看綠玉  
池分龜兆渴清泉  
水曹載酒非無意  
小雨留人信有緣

迎馬玉簪看作竹  
浸籬鴨綠已盈溝  
田園秀潤吾無着  
却要江湖一小舟

鉢囊有潤何癰瘡魚鼓無聲太寂寥更向衝衢見車馬  
可能不過虎溪橋

舟中漫興

梅雨冥冥濕釣船失羣寒鷺下江天一聲長笛無窮意  
自疊漁蓑白日眠

蓬窻幾點落梅花旋覺春容放草芽莫上江樓發歸興  
斷霞衰照起寒鴉

廬舍邨僧舍留別

小溝水穀漾晴暉上學兒童短褐衣猶記飛泉山下路  
會成春服舞雩歸

筠尖側側度朝暉別淚潛潛漬客衣兒女慙懃憐我老  
登山臨水送將歸

脆柳飛花弄晚暉雲羅雲紵試春衣箇身未便長為客  
化鶴千年亦一歸

幽意

薔薇老麝隔雲香濡袖陰嵐翠滴牆花樹參差山月出

欲尋幽徑導韓郎

迢迢不斷古江聲  
何似當年奉倩情  
小玉拂屏沉火滅  
便隨閒夢唾虛名

綠帟纏頭錦束腰  
陣前誰數霍嫖姚  
何人與掃紅蕖嶂  
留得周郎伴小喬

步步金蓮何可得  
朝朝瓊樹有無新  
那能冠錄逃名姓  
早醉長安一息春

過金牛自勞

玉人鶴骨馬龜腸  
白日貪晴夜趁涼  
誰道飄零大荒遠  
此間猶是蜀封疆

帖嶮緣虛知幾蟠  
小山細水入平寬  
云何癯婦顰相笑  
土木形骸亦屬官

送張少卿赴召十首

初排閭闔欲朝天  
流電追鋒急召賢  
延閣鳳池風月好  
不須回首望籌邊

四海傾瞻調鼎手  
朝廷側席待伊周  
江城父老休遮道



可是星車肯少留

張公論事力回天  
明日延英席自前  
秦甸江西勞馬策  
此回不計地流錢

公子詩成輕萬戶  
將軍諾重過千金  
不煩縣令前驅去  
回采堅珉刻醉吟

天子清閒問侍臣  
當年張姓復其名

事見唐張河東傳

金甌已

灑銀鈎字庭下  
宣麻不用驚

燕子樓成月滿欄  
縷金衣就酒翻瀾  
從前樂府知多少

再到東山記謝安

光芒先已動台躔子舍修書正妙年奏對八磚看白日  
文章萬選敵青錢

誰將蜀柳贈行人曾伴靈和殿下春笑煞後來門下客  
風流不似迺翁身

龍蛇飛動從椽筆昔看公孫舞劍來何得却知顛草妙  
為隨賓客到金臺

傾倒憐才出至公吹噓牙頰自春風寬和肯問車裊吐

涵養須知內史聾

題馮園三首

林園暖日注  
鶯紅啼鳥重  
來樹亦空  
莫道主人無意在  
解將籬落護春風

已將歸騎逐東風  
家在岷峨第幾峯  
應是故山猿鶴嘯  
主人歸得已龍鍾

渾道無情易別離  
袖痕看取汨燕脂  
陽關三疊何須唱  
正是征鞍欲去時

即席次必強六絕句

且倚東風拚酒酣莫將食口配春蠶還家更有無窮興  
曲水飄香滿舍南

暖霧團雲晚氣酣  
祝車遊女密于蠶  
錦城行樂忘歸客  
家在魚鳧碧水南

夾道紅英碎纈鞍  
文園春滿帶圍寬  
雙輪不解生方角  
祇作繁城數日歡

市酒那筒去未還  
宗人厚德敵劉寬  
田歌社舞生惆悵

聊向樽前佐客歡

憐君醉裏賦新詩  
皎皎風前玉樹枝  
在處相逢開口笑  
一生能有幾多時

樓前燕子不知歸  
樓下鶯啼碧樹枝  
絲管未收空梓澤  
恐君還有斷腸時

七夕日宿長江

去歲龍城樂事多  
樓頭乞巧傍青城  
今年織女知何處  
不見星郎送渡河



欽定四庫全書

跨鰲集卷十一

宋 李新 撰

七言絕句

中江道中

江楓搖落市煙青  
石壁方嚴水面平  
若問灘流何太咽  
定隨行客學吞聲

龍洞

三年兩到只忙忙  
誰道雲山得久長  
松竹有孫龍蛻骨

人生頭白是尋常

甲辰正月二十三日夕壬申夢坐一江樓上見  
雪月輝映汀洲高下澄流金碧林野疎迴景物  
清華絕非人間世所有因賦數詩既覺止記一

首

風卷寒雲雪壓船樓臺隱約隔明煙黃庭掩映桃紅篆  
靜看雙鵝一水天

樓下有一道士云水一天予云不如一水天

次趙繼公得未開牡丹之什



洛陽二月三月春車輪馬足飄香塵金錢散盡花不見  
買得桃李猶非真

送牡丹與趙元思

祇許青松約歲寒姚黃魏紫偶盈盤晨粧休挿無鹽鬢  
送與文君卷帳看

居中饋薏苡青頭雞小詩代簡

彈殺能言笑解頤載歸招謗問誰知難隨白鶴同時放  
且伴黃梁一處炊

問田尉公俞丐菊栽

曾泛黃花竹葉輕更循籬下數繁英  
主人已後荒三徑  
狂客從前號四明

靜鄰寺

垂天雲影暗溪橋寺野人稀自寂寥  
遊夢已隨飛葉落  
亂風吹雨竹蕭蕭

過廉水渡二首

茂林何事鎖孤煙開出澄光見碧天  
江水不流廉節去

清名長解勝貪泉

黃金六印豈關身  
寶藏盈居亦訴貧  
不到蓋棺終未定  
可憐多少過橋人

寂照院

世路沉迷正厭醒  
故山洗出纈龜屏  
已因麗句迎門笑  
更得疎篁作眼青

安居瀕江小藍留三小詩

手舉離筵第一杯  
夔夔船鼓看忙催  
恰將幽夢歸山谷

苦殺蓬窻雨喚回

自遂寧府解緯五七友錢於排亭乘醉登舟酣寢江大漲不半日至安居

觀水觀瀾見會同人情難似水朝東寄聲囑付王家老

深鎖堂前翡翠籠

安居王十九新儲官奴置別室

江干平日重回首樓閣參差目飽秋世事從來錯經意  
一生幾誤轉船頭

月下口占戲子溫

桂華已出海邊山雨葉翻光作夜寒陶令骨清無鼻息  
苦吟休倦倚闌干

萬里層陰宿霧消  
冰輪初上鏡天遙  
此時仙漢欄干曲  
竹影梅風笑寂寥

貽高執中

朝朝騎馬走江城  
晚弄輕煙暮帶星  
應笑北堂窮處士  
遶牆空覓聚書螢

項羽廟

空使秦人笑沐猴  
錦衣東去更何求  
可憐了了重瞳子  
不見山河遶雍州

永吉院阻雨

美人怪我長為客，青雁傳書不肯開。  
向道在家貧亦好，惡教風雨送歸來。

錦江思

獨詠滄浪古岸邊，牽風柳帶綠凝煙。  
得魚且斫金絲鱸，醉折桃花倚釣船。

書懶搏寺壁

曲崦藏雲樹老，滕碧山秧稻一層層。  
回尋二十年前夢，

猶是當時識面僧

書垂柳鋪壁

遠碧涵空暮天闊落日愁人船不發多情何處雁西飛  
憑寄天涯尺素歸

書孔伯紹題壁後

伯紹壁間遺跡在雨昏炎蝕逆風吹何人借與雲嵒石  
化作人間墮淚碑

戲書元明廳壁

漲急灘流隨眼落市忙鳥合轉頭空一年三百六十日  
却有半年閒守窮

題東高院壁

主簿騎驢雲外去山僧吹笛夢中來行人不用重回首  
自有東風播鳳臺

和李少卿

疎雨輕煙憶故林一生難愜子由心未須逕化陂龍去  
留作甘棠異日陰



程公明駕部墨竹

淺梢疎節任蕭郎  
正向祁寒敵曉霜  
清興未窮僧已老  
自遺山色與溪光

自西縣超南鄭道中襟詠三首

矮陌穹廬青匝地  
垂楊步幃綠藏橋  
無端驚耳西江漲  
十里雄聲學海潮

愛山不道妨行色  
礙眼仍須徹帽裙  
願借仙人白鵬尾  
自家親掃北山雲

茂林修竹平夷地牧馬藏兵戰鬪場死節不知師李固  
溺冠惟解法高皇

禪房

石竇涓涓函丈冷海雲疊疊暮山低秋風早晚驚禪定  
肯為陶潛一過溪

題韓溪

雲夢擒王終獵狗芒碭龍子詎蟠泥前知婦女磨英氣  
亦率蕭公早過溪

墨竹

葉葉飛秋聲自來蕭郎國有不羈才  
西山昨夜虎風惡  
大折一枝無處栽

題賴盤市法雲院二首

亂石崖邊花蹙錦  
關雞峯下麥翻雲  
青螺着地山渾翠  
丹餅乘天日半曛

石壁冷磨閒日月  
松檣平覺遠山川  
便將小紐雙龜印  
試換禪床一覺眠

用劉子默韻題瘦亭

醉頭兀兀接籬斜  
客宦歸來賦白華  
小洞方池初著意  
坐看梅雨數殘花

芝溪院

青蓋行春踏雁沙  
連山舊燒起新芽  
馬蹄何處窮餘興  
猶有谿山一樹花

次韻崔同年馬上口占二首

底事安仁易白頭  
一鞭行色伴清鷗  
抽身簿領窮清興

唯有江天倒射眸

柳花榆莢半飛空  
燕子銜來盡落紅  
日與長安俱未遠  
可能提榼問東風

白塔院

西風晴野快揚鞭  
臨水驕駒惜錦韉  
蕭寺淒涼幾不到  
巨楠蒼檜碧參天

龍笛

長天雲掃碧龍鱗  
黃鶴樓前白玉輪  
秋意正隨羌笛怨

夜深愁殺倚欄人

天王院

溪邊竹瘦暮雲昏  
愛客頭陀未掩門  
問我年來何所事  
袖邊朱墨幾多痕

戲子常攜妓見訪

紅英渾似識劉郎  
迎笑千株夾路傍  
曙色松窗留不得  
斷雲無處覓殘香

次韻子溫早梅

霜多木葉太孤冷  
欲向春前倒樹開  
莫道東風無意在  
餘香看即度牆來

新春道中口占

幃地翠煙猶惜曉  
乳花小雨却翻晴  
去年春恨依前到  
先得東風捲入城

挑去聲人柳目空依路  
喚客鶯聲又隔林  
病渴相如今已  
老悔將春事入琴心

老去難禁數別離  
一樽春酒為誰悲  
綠楊深院花飛處

祇有東風獨自知

千本春桃行石顏暖風扶袖入雲端庾郎食菜今多少  
但看行厨白璧盤

白馬蹄輕氣亦驕嘶風嘶日上山椒迺翁不似楊光祿  
與汝披霜趁早朝

榆莢已吹鵝眼去柳綿不帶繭香來輕霜未度劉郎鬢  
更看春桃幾度開

春閒戲書三首



幾家桃李高低樹一望江山表裏春  
寂寞無心看花去  
懸知自有看花人

春天行樂若為傷青鬢吹蓬半染霜  
莫道一生甘淡薄  
十年前亦為春狂

老病空懷雲水鄉涪江春浪接天長  
扁舟擬下巫陽去  
不聽巴猿已斷腸

高祖試劍石

拔山蓋世何為者三尺青龍不切泥  
且向斷崖聊一試

如聞鬼母夜悲啼

詩餘

洞仙歌

一年春物惟梅柳間意味最深至鶯花  
爛漫時則春已衰殘使人無復新意生

此間賦

雪雲散盡放曉晴池院楊柳於人便青眼更風流多處  
一點梅心相映遠約畧顰輕笑淺一年春好處不在  
濃芳小艷踈香最嬌軟到清明時候百紫千紅花正亂  
已失春工一半早占取年光共追遊但莫管春寒醉紅

自暖

臨江仙

楊柳梢頭春色重紫騮嘶入殘花香風滿面日西斜只  
知閒信馬不覺誤隨車已許洞天歸路晚空勞眼惜  
睂憐幾回偷為擲花鈿今生應已過重結後來緣

浣溪沙

秋懷

千古人生樂事稀露濃烟重薄寒時菊花須插兩三枝  
未老功名辜兩鬢悲秋情緒入雙睂茂陵多病有誰

知

前調

書所見

雨霽籠山碧，破睵小園圍。屋粉牆斜，朱門閒掩，那人家。  
素腕撥香臨寶砌，層波窺客。擘輕紗，隔窗隱隱見簷  
花。

攤破浣溪沙

幾度珠簾捲上鉤，折花走馬向揚州。老去不堪尋往事，  
上心頭。陶令無聊惟喜醉，茂陵多病不勝愁。脉脉春

情長不斷水東流



欽定四庫全書

跨鰲集卷十二

宋 李新 撰

表

皇帝即位賀表

紹膺寶緒丕冒海隅方受命以維新蓋體元而居正神  
祇叶契中外歡呼中賀恭惟皇帝陛下恭儉身先聰明  
天錫法乾之健如日之升纂承七聖之休光克邁百王  
之懿鑠端一德以當宇乘六龍而御天九州攸同萬物

並覩某遠居蜀道誤領憲條望九重之深第傾於葵藿  
稱萬年之壽阻綴於鸞鳳

賀河清表

上聖勃興圓穹眷佑格靈源之澄徹罄率土以懽愉中  
賀臣竊以四瀆所宗九河為大昭負圖之龍馬著舞氣  
之神魚未丁至德之期宛有黃流之濁千齡叶運三聞  
大瑞之呈七日効祥萬縷榮光之出逾八百里初動漣  
漪垂億萬年永臻晏粲凡在照臨之下悉知鼓舞之歸



恭惟皇帝陛下廣文之聲行堯之道仁深行葦澤及漏  
泉歷觀有國而來未如今日之盛治之極也表而出之  
俟河之清目方欣於有覩如山之壽志並祝於無疆某  
誤總憲綱喜聆異事阻綴鵷鷺之列仰稱椒栢之觴

天寧節賀表

電繞神樞表珍符於有永星環北極隆寶祚以無疆四  
方爭望於堯雲一德允躋於湯聖叶千齡之景運紹七  
葉之丕圖夷夏蒙休人神胥慶中賀恭惟皇帝陛下道

同天大明並日升著孝友以因心亶聰明而自性盡新  
庶政獨斷萬機創鼎璽以資閔休作英韶而揚大烈池  
鹽彰大德之瑞河水應聖期之清風雨格三階之平夷  
夏即九功之叙金城千里永維奠枕之安天子萬年共  
致如山之慶臣誤膺遠寄獲奉熙朝稱壽丹墀尚阻封  
人之祝傾心葵藿徒馳魏闕之思

皇太后同聽政賀表

伏承皇太后誕垂懿訓同攬政機人神胥驩天地均泰

恭惟皇太后坤靈厚載海量并容綏祐皇躬載光帝業  
丕顯思齊之聖共成訪落之謀至德嗣音保千年之熙  
運盛慈儀世洽四海之驩心某職使遠方不獲趨闕庭  
云云

賀皇帝生辰表

竊以電繞神樞式表珍符之發星環北極用明帝位之  
尊篤生真人佑此洪烈叶千齡之景運紹七聖之丕圖  
夷夏蒙休人臣胥慶中賀伏惟皇帝陛下至仁光宅潛

德升聞揭日月以為行裁天地而不過亶聰明而自性  
著孝友以因心天且弗違人惟求舊金城千里已知莫  
枕之安天子萬年共罄如山之祝某誤膺遠寄獲覩昌  
期稱壽軒墀尚阻封人之獻傾心葵藿徒搖魏闕之思

賀皇帝生辰表

六龍御宇位適應於純乾八極蒙休時更隆於大有載  
臨嘉會並起驩聲中賀恭惟皇帝陛下道格神人功參  
造化運屬成康之緒性充堯舜之仁旋乾轉坤潛神機

於至妙允文嗣武奉寶歷於彌昌崇鼎鼐以賁宏休作  
英韶而揚大烈五辰七政允格三階之平四夷八蠻皆  
即九功之叙懋建巍巍之治載隆赫赫之名風馬雲車  
已昭格於上下金泥玉檢方潤色於太平永惟濬哲之  
祥肇此休嘉之旦明光拱日心馳清蹕之音御醴傳觴  
目想鈞天之奏覃及四表敷錫湛恩

賀八寶表

三微更旦頒朝會之縟儀八寶成文著治功之偉蹟虛

清躬而俯受罄率土以歡呼中賀臣竊以命自天申寶  
由地出無脛自至玉全溫潤之文亘古未聞工窮制作  
之妙權輿一代之制長發千古之祥雖假人為殆若神  
授恭惟皇帝陛下法乾之健如日之升書已同文時方  
交泰誕敷國信式丁堯歷之初允叶珍符靡循秦璽之  
舊百官以治四海攸同號令所施並雷風而鼓舞文章  
增煥與雲漢以昭回

賀八寶赦文表

一新至寶同有昊之降康四馳聖言與含生之均慶瑕  
垢盡滌人神胥懽中賀臣伏以器寶待人式丁作者之  
聖皇天嚮道肇成受命之符制作冠美乎百王赦宥誕  
敷於四海厥惟在位之士並戴渥恩至於無服之親悉  
叨異數市征幾於不稅答罪期于無刑謂重法地分頗  
害為善之心謂新復土疆宜開向化之意封母得視於  
父養士不取於民凡茲渙汗之施皆自淵衷之出恩均  
遐邇澤被幽明恭惟皇帝陛下盛德乾行至仁眷育恭

卷十二  
承珍物克享天心更鳳歷以履端揭鷄竿而播告親臨  
翰墨煥垂星斗之文覃及華夷溥霑雨露之賜臣敢不  
勤宣睿澤力察官邪將命稍遥莫遑千官之列望雲徒  
切阻稱萬壽之觴

八寶轉官謝表

肇新器寶永為受命之符叙進官聯叨與垂天之澤撫  
躬甚惕揣分何堪中謝伏念臣才不及中職非致遠偶  
將使指誤辱聖知千里運糧第乏闕中之心計九年足



用敢期地上之泉流惟八寶之告成合萬方而胥慶爰  
紹先志見作者聖而述者明特疏異恩使賢服休而能  
服采豈茲闡冗亦竊榮光恭惟皇帝陛下行夏之時循  
堯之道目所共睹煥星斗之文章遠無不周驅雷風之  
號令用縻好爵覃及疎臣申錫無疆福已均於夷夏降  
年有永業自鞏於山河

賀九寶表

帝德升聞上動高明之聽河源薦祉遠輸溫潤之珍肆

寶璽之告成即歲元而祇受一人尚慶萬宇騰懼中賀  
竊以天申用休地難愛寶無遠弗屆三河呈琬琰之姿  
有開必先萬世秘琳琅之瑞稟陽精而不雜含虹氣而  
允孚紐以龍文協乾元之用九受之穀旦邁帝德之登  
三方諸侯圖事之朝正六典始和之日見禮樂備成之  
盛驗天人相與之符蓋匪人為寶由神授恭惟皇帝陛  
下務循堯道克廣文聲宗祀之孝格天重華之德協帝  
道包有截九功之叙惟歌天載無聲諸福之物畢至臣

遠分符竹阻造闕庭捧漢殿之觴身莫陪於黿忭望長  
安之日心徒切於葵傾

代謝職名陞使表

龍閣驟陞使權叨進疊下渥優之命載加踈遠之臣寵  
居人先喜出望外中謝伏念臣性資凡近政術濶迂蚤  
被眷於聖神嘗獲司於禮樂久持漕計雖欣陸海之饒  
幾老坤維未見雪山之重驚心瘵曠竭力轉輸宜投散  
閑乃與掄選况祖宗華閣藏經天緯地之文而庸价行

人正持節觀風之任惟賢能不必待次謂太平固欲立  
基豈臣瑣才遽爾躡等妄意功名之會肯辭筋力之勞  
富國強兵猶是至卑之功烈耕田鑿井願臻太古之風  
流興言竭忠永以圖報恭惟皇帝陛下道同天大明共  
日升獨斷萬機盡新庶政舜不遺於衆善禹或計於寸  
長致茲螻蟻之微薄著西南之效欽承異數已逾稽古  
之榮黽勉賢勞終補吹竽之濫臣敢不勤宣睿澤博究  
下情

代興元知府謝到任表

乘險仗忠道數經於叱馭分符得地居遂宅於康泉祇  
荷寵優緬懷驚畏中謝伏念臣性資凡近治術迂疎箕  
裘恐玷於先臣龜組幸叨於聖世風塵久困刀筆自慙  
試邑神畿茂見臨人之効鐫名仕籍獲紓負擔之虞三  
易守麾半餘腐齒拙將何補但黽勉以承流過藉奚尤  
旋兢惶於責實斯蓋伏遇皇帝陛下智惟天錫聖自生  
知考百度以由舊章養四方而酌祖道恢張偉績敷繹

大猷凡小善不遺使有功則說臣敢不勤綏遠俗上答  
皇慈禹別梁州舊著厥田之上詩歌漢廣今推美化之  
行雖涓埃未效於寸長而宵旰敢煩於西顧

謝賜大晟樂表

首自京師丕著功成之作用之邦國濫叨拜賜之榮里  
巷至於嘆嗟耳目未嘗聞睹人神胥悅遐邇攸同中謝  
竊以微盧彭濮之人古為遠服英莖咸獲之樂久失正  
聲惟上聖之應時獲異人而考古調律於鑄鼎之後得

器於受命之邦坐格天神念一夔而斯足來儀羽鶴知  
八音之克諧宜鄭衛之淫銷故天地之和應頒從內府  
覃及遠方用於四時大備禴祠蒸嘗之薦習以多士日  
聞金石絲竹之音後無以加昔未嘗有此蓋皇帝陛下  
知周萬物德冠百王為律於身作古自我制窮高妙豈  
特百年而後興本出虛無宜其一奏而增歎顧簫管之  
具舉合笙磬以同音雖坤維之下州分工師而肄業導  
和有自感遇非常既作泮宮又許魯侯之用雅不知肉

味偶同齊國之聞韶

賀正旦表

乾坤交泰謹首祚於三元玉帛會朝合歡聲於萬國中  
賀臣伏以以聖繼聖永惟蒞政之勤先天奉天蓋重履  
端之始方導迎於景貺已浹叶於昌辰恭惟皇帝陛下  
盛德乾行至仁春育世邁明良之遇化觀昭曠之原新  
鼎璽以賁宏休作英韶而揚大烈夷夏即九功之叙風  
雨格三階之平綏五福以攸同輶四方而來賀某誤叨



使指阻遠闕庭栢葉稱觴莫綴鵷鷺之列南山慶壽第  
傾葵藿之心

賀錫元圭表

錫圭告成惟前人之盛烈垂旒拜貺實今日之宏休穹  
壤交孚神人共慶中賀竊以時惟上帝顧佑下方甸萬  
姓以陶唐錫九疇於夏后滌洪源於無事六府孔修奏  
鮮食以庶艱萬世永賴即寶玉而寓象對璇靈而告功  
德貫三才色該衆妙別土宜於山鎮沛天澤以雲雷平

其首以象葵體道之復好其中而納組執德之洪義實  
難名制惟可識爰自非常之德聿來希世之珍在昔未  
聞於今為盛恭惟皇帝陛下德先二帝業冠百王性安  
於仁身以為度膺皇天之眷命乃聖乃神享元祐之成  
功惟精惟一黎民於變庶績其凝自作厯以授時及鑄  
鼎而象物凡邦家之垂憲質堯禹以同符惟盛德無得  
而名故珍祥不召而至飭備禮而登之天府渙大號而  
布於海隅凡屬見聞率皆舞抃臣誤叨守吏祇奉德音

稱美禹功若親臨於維汭歌謳帝力敢自後於康衢觀  
所未嘗喜不能已

錫元圭賀表

恭承至寶式際昌期垂祉自天懽呼率土中賀若昔有  
夏實治洪流輔五服以圖成致萬世之攸賴允釐庶績  
告厥成功况百姓萬邦已格時雍之化而六府三事克  
諧惟叙之歌粵惟錫圭於以報上琬非止刻四方之鎮  
色固嘗形兩者之元既鍾陽精之純又括天數之備制

葵於首則體之以無為納組於中欲執之而勿失玩茲  
神物獨出聖時鏹理祥光多歷年所本自一人之慶載  
通四海之懽恭惟皇帝陛下仁已如天身嘗為度克勤  
克儉乃聖乃神道特妙於行堯緒尤洪於繼禹練辰備  
禮膺上帝之降休蕩垢滌瑕與含生而均福念百王之  
甚盛宜歷世以相傳必依人而行亦待時而動臣仰窺  
大美敢忘雒汭之觀俯效衷誠願罄華封之祝